

bšumaihun d hiia rbia triS šumaihun 'l
. ulab . u'l `m
. u'l `m hurintia . u'l
zauai . u'l ahai

. u'l ahai hurinia
. u'l šitlai
. u'l
abahatai

šabiq haTaiia niuilun . luat 'utria rurbania bnia nhura anuš ana rba br šitil
rba br adam rba br malkia rurbania d `qara br atra d nhura br šabata d kulh
madihta ligria lhaka lia darban usqan batar ziu d npaš iatibna umitiarina uamarna
umistamikna hazina lalma hazin l'šumia ularqa ulšamiš ulsira ulkukbia zaqpa
umanzalh d šumia ulnhura d qaiambia ulhaila d qaiim bgauai bhailai d manu qaimin
ubanhura d manu nahria pihtit ainai uarimat gbinai mistakina hazina hda kanuna
rba d ziuia d mkanan umatna `l iad malakia unagdilh ltrisar mlakia bTura d hšuka
atutia tatura rba d ziuia umasqin umulilh lbabia d iasana dukta d traSlia kursia
lban šumia uarqa tum pihtit aina uarimat gbinai mistakina hazin had baba rba
d bun ptia qaimin ziuia alip alip liaminai uruban ruban lsmalh npiq had ziuia mn bit
hiia d hauia ziuia lhad arbin utrin bdaurbia uana kd hzaith lhanath ziuia ritit
qumat 'štarhzialia uligria 'l 'stuarai lakainila umistahapna unapilna lqudamia
haizak qam hda malaka d ziuia qudamia uligTan bpras iaminai umtariS umaqimlia
lqudamia uamarlh ata anuš rba br šitil rba br adam rba br malkia rurbania d bit
`qara br atra d nhura br šabata d kulh madihta ata uglilain lhiia rbia haka kdibia
umatnia bTura rba d mdabrana d asga uata glilan lšumia haza d qru lbnia anaša
šumia ulat ulahuat šumia hinila arpilia hinun d škin abatur bhailh ubšumia d ban
šumia uarqa ata 'galilak 'l kukbia d maSumibia trisar hinun mlakia minhun
mšalTia lmadnahata d šumia uarqa umanu mšalTia 'šiul ulhšuka akuat d haka
atinun ap hatam uaitinun uata `galilak larqa haza d qru bnia anaša uluat arba
arqa hinila mia hinun d huš iama rba d iahbia šna bšna uiahra biahra mišhal
šahlia umidab daiuia udirkia lbnia anaša mšauia uata 'glilak lhilpa hazin
d dahna bnihga u`it d hadibh u`it d 'nsisbia riša hu nhura dakia gabra ptula tangara
gTir hliS umzaraz qaiambh b`dana rba d sriqia rba d ziuia traSbia uašlia
d nhura rmibia unagidilh trisar mlakia umapqilh bTura d hšuka atutia tatura rba
d ziuia masqilh umaulilh lbaba rba d iasana dukta d traSlia kursia lban šumia lban
šumia uarqa uata 'galilak lhilpa d dahna blilia rišia hu mia dakiia gabra ptula
tangara gTar hliS umzaraz uqaiambia b`dana rba d sriqia rba d ziuia d traSlia
uašlia d nhura rmibh ungadilh trisar malkia umapqilh bTura d hšuka umaulilh lbaba
rba d iasana dukta d traSlia kursia lban šumia uarqa uata 'galilak ahai halin
hinun bhiria zidqa d haka btibil aitinun kd kilaiun šalimlun mn alma hazin ltam
zalin baiin umaškin mn buta umn ginza d hiia umn butun utušbihtun labšia ziuia
umkasin nhura lbuš llbuš labšia unhura mkasin ahkia hadin sahqin
gaiia umitparpin uanin nimar uqaiamin hiia triSia bškinatun uhiia triSa
bškinatun uhiia zakin lkulhun 'ubadia sa
. bšumaihun d hiia rbia mraurab nhura šania . a ata bTabu kušTa nhura d masgia
lbit rahmia b bhira anat zakaia d mqaimit bzaku kulh šurubtak g gimra anat gmira
bhira d muma litbia d dirka anat d šalmania šbilh d saliq latar nhur h hiia anat
d mn lalam d asgit ušrit bilbab kšiTia u uailh lman d laniSitak ulanišimak
marai šabilh bdaria d rabut zmar z zaina anat d šalmania šrara d T`ia litbia h
hakimat ubasimat marai hukumta utušbihta malpatlun lkulhun rahmia šumak T

Tuba lman d niSitak unišimak mara unasgia bdirkia mn abatrak i iuma anat d haduta d `blia umalia litbh k klila anat d zakuata d triSit brišaihun d minihria l lišana anat d tušbihta d kulium lhiia mšabatlun m mana anat qadmaia d hiia banuk ubananuk n nhura anat d kabiria d asgit `tilh lalma s sama anat d masia kulhun rahmia šumak `aina anat d bhiria zidqa d kulium lhiia sakia p pira anat d basima Tama d muma litbia S Sauta anat qadmaita niSubta d mn bit hiia huat q qala anat qadmaia d hiia mn kinianun qruk r rbaihun anat d ganzibria d hiia šalTuk lkul Sbu š šimuk mitia uhiun ušimuk kSiria `tapun t taibit lbhiria ušalmania d šralun blibaihun kšiTia uhiia zakin uzakia gabra d asgia lka sa

. a aiar ldaura d n`huia šrubia ulibai mn bhiria bhir b bhira ana `iasgia briha d hiia d nikanpin g gabra ana nukraia d lnaSuraiia Tabia garbun unadkar `lai qudam hiia urahim nihiulia bahad `da d dinan aba Taba d qudam hiia zakaiia h hu hatma d tibil pihitit sarit bgaua kul Sbu `utria sarit d šihia ldaura taqna u uarda ana br bhiria d hiia hzit uhiia hiziun z zauadai mn gabra nukraia d hiia Sbubh h `tit binia Tabia d hu gabra nukraia rhim T Tabuta lTabia atatalun haduta lgbar kšiT i iura d hiia ukd nišmata mn bithiia huat k kbar `lai ziua d hiia unhura d hiia lahsar l libai lhiia barik d nimanianun hiia bminianun m minaihun d Tabia sarit d hiia paqdun n nihrit banhuraihun mn nhuraihun auzap `lai s sama `lai ziua unhura rba lkulhun d nihiulia simaka ` `nuta huatalun lhiia rbia lkulhun rahmia šumaiun p pumai lhiia barik d minaiun bminianun S Satit qalaihun d `utria ahai ainai `lauaihun tirSit q qamit bsigudta bsagia uhaila asgit luataihun atit r rišmun brušuma d hiia šilmai unidbai paruanqai š šrara d hiia `tgadalia qarnai brišai t tiabuta hauialun lhiia rbia lkulman d brušuma d hiia `tiršim Tabia ubhiria ušalmania d šralun blibaihun kušTa uhiia zakin uzak `ia gabra d asgia lka sa

. bšumaihun d hiia rbia mrarab nhura šania . a atat marganita dakita d anhirat lilbia haškia b bilmihuia ziua u`tiatar nhura hua g gihkit lšibiahia lmahu hašib uabad d darit binataihun hinun šuba la`dun `lai h hauialun Tabuta lbhiria d hiia rhim u uailinun lšibiahia d lbhiria lbiš mithašbia z ziua hu qadmaia nhura d saka litlh h hiia hinun qadmaia d hiia d mn laqadmia hun T Tubh lman d niSitak marai unasgia bdirkia mn abatrak i iura hu rba kd nišimta mn bit hiia rbia atat k klila hu dakia d traSlia lhibil bškinth l libai lhiia baiia d nibunan hiia bškinatun m mn iuma d hibil ušitil niSban uaudiat nišmat latar nhur n nihuta anat qadmaita aminTul ldilak `utria nha s saria babia trisar bdirkia d kušTa lasalqia ` `umqia d naSiruta d napša usaka litlia p pira hu basima Tama d muma litbh S Satit qala d hiia batra sagia bit tušlima q qala d ziua rba d mamlil udariš bškinth r rušuma hu dakia d `tiršimbh hiia bškinatun š šuta d hiia šamana bškinatun d hiia mištkin t tira hu basima nhura d saka litlh uhiia zakin sa

. bšumaihun d hiia rbia . a arTil npaq rišaiia kilai d minh d alma b baita lhurba qaiim uap qiniana lbizta g gunian d biriata nihiulun lkulhun almia d damit lgupnia bišia d piria litlun h haršia udugia hinun d bnat anašia sakin lbiš u uailh liuma biša d mnaTarlun liahuTaiia balma z zarin aula haSdin huSada d kadba h hšuka mlia libaihun uainaihun saima ulanahra T T`ia lgiTinhun ulahazilh latar nhur i iuma d mnumbia hinun napšaihun nsisa rabtia k kulhun babia trisar bira d lalam naTarlun l libaihun plaglun uhinun lnhura lasalqa m mlabšia bhaTaiia nišmata haTipia n napšaihun pihkit `lauaihun u`nšaiun labaiia s sama d gaTlia hinun d bnat anašia gaTlia ` `umqa d mia hinun d mahduruniata d mTaba p pumaihun mlilia kadba uainaihun lbišuta sakia S Sauia piraiun d zaran bgauh d alma q qaimia lbr mn kušTa umšamšia lbr mn Tabuta r rahmia špur pagria uTlaniata d mhaška š šakta uqamnta ml`ia uqaimia napšaihun balma t tira d muta d hinun bnat anaša gaTla uhiia zakin sa

. bšumaihun d hiia rbia 'lkun qarina umaprišna uamarna gubria kšiTia umhaimnia hazaiia uprišaiia 'tapriš mn alma d husrana d kulh šigša uT'ia mlia bqadmaita aprištinkun lmalka d nhura d brin lalam almia uamarilkun lamia brikia d nhura d brik d buTlana litlun l'utria uliardnia ulškinata d hinun šanin uminihrin tum 'marlkun lalmia d hšuka ulma d bun d hinun sainia umdahlia dmutaihun lakašra lbr mn arqa d nhura ltit lbr mn arqa tibil timiaiit aitia lhah` arqa d hšuka aita badmu hanath d šanai umnakria mn arqa d nhura aminTul nukraiia hinun mn hdadia bkulhun sakia udmauata uaitia lhšuka bkiniana biša d napšia hšuka gahia uhabara Sadia uqadmaita ubatraita laiada hinila malka d nhura d iada upariš qadmaita ubatraita uma d huat uma d mihuia baiia u'da upriš d aitiłh lbiš ulaSabia d nihTibh akuat d amar latihTibh ubaldbabia alma d mn napšia haTia ukiniana biša aith mn qudam ulalam almia ualma d hšuka napša usaka amar npiš uamuq daura d biš uiamamaihun bauar la`hab batra d litlun saka ldauraihun umn hdadia hauia malkutun arqaihun mia siauia uraumaihun hšuka haška mn mia siauia gbil unpaq malka d hšuka bkianiana biša d napšia urba u'traurab u'tgabar uqra ušarhib alip alip šurbata bišata d lasaka uruban ruban qiriata saina d litbaihun miniana u'traurab u'tnapaš hšuka bsahria udaiuia ušidia uruhia humria u'kuria uprikia upatikria uarkunia umlakia unalia uniulia upigia upalgia ulaTabia ulihania ugudultania usaTana dmauata saina d hšuka d gaunia gaunia uznia znia zikria uniqubta d hšuka haška 'kumia uTupšana umridia urgizia uzidania uzihirania mridia sakla sariia undidia SiSia uzapria u'it minaihun haršia Trušia Tmuria tahmia algia udugia ugungia pigia šgišia d laiadita `it minaihun haSipia hamimia taqipia haripia urugzania raktania bnia zma unura npihta u'sata 'kilta u'it minaihun haršia uzapania ukadabia udagalia uhaTipia unkilia ukaSumia ukaldaiia unahšia ardiklia hinun d klhin bišauata mramiata d aqta gaTla giTla ušdia zma d lahaisuta ularahmuta d `umania hinun d kulhun sainata uiadin lišana d lasaka uparšia d qudam anpaihun ubdmu dmu aitinhun u'it minaihun d šaipia mišap lkarsauatun u'it d mia haršia u'it minaihun d mipra pahria u'it minaihun d ligria napšia 'tlun badmu rihšia rihšia d arqa u'it minaihun d madaria ukakia ušinia 'tlaihun bpumaihun uTama d `lanun zihira umrara uruTbaihun napTa uqira hahu malka d hšuka simlia kulhun dmauata d bnia alma rišia d aria ugišmh d tanina uganpia d nišia uganba d riqā u`dh uligrh laTabia sagia urahiš šaiip upahra qadha qahda haSip ugazim nahim miabib mramiz ušaraq ukulhun lišana d alma iadalun lskil šgiš umhašabata mpakrin uqadmaita ubatraita laiada ubkulhun almia iada mahu d hauia uaitia bsakia sakia d mraurba mn kulhun almia ugabir unpiš mn kulhun umhail mn kulhun qiriata utaqip minaihun kd baiia kasia napšia minaihun ulanihzunh uiada bliba d hahu d qaiam qudamia kd arqin minh šurbath bminilh matilun udaiuia d Sauia Samar qaiim qudamia kd baiia mata qumtia kd baiia mzuTar napšia umaiit umapiq handaria u'tlia d gubria u'nšia kd ragiš bkulhun razia ragiz bqalh ubminilh btiłh ubnišmh bainh ubpumh ub`dh uligrh btuquph ubzihiria brugzia ubmimria bdahalta bhauqa bzuihta brtitia bnihimta zahin kulhun alma d hšuka dmuth saina ugišmh zapur uparSupa `pik sumka d sipth d pumh ma uarbin uarba alpia parsia bhbilh d pumh parzla bašil uglala btihia mitharka mišqal ainh mištarhizia Turia blihšia d spihata paqata mizdaranbia haš bnapšia u'timlik blibh sakla u'thašab bruiania nkila usaq uhzinun lalmia d hšuka d napša usaka litlun unsab rbuta u'taram l'il mn kulhun uamar miaka d rab minai miaka d haila minai mSia miaka d rab minai unpiš uiatir mn kulhun almia miaka d mikla Turia bhimSia dmuth dma lamitaška 'u 'ka d gabir minai `qum bdilh `pdar `qum `ptar bdilh uhzia haila d minai hua u'tiksia uhzinun lalmia d nhura mn ruhqa lmiSria d hšuka unhura kd nura d lriš Turia ramia kd kukbia d Sahmia brqiha badmu ziuł d šamiš napiq uatia mn madna ukd sira btuqnł uhuziia lSihta d hah` arqa d nhura aiak šragia iaqidata d mkasia bmania d azgauaita lbr minihra haš bnapšia urgaz brugzia u'tnahaz bgabaruath uamar

alma hazin `hauian limalia hazin daura d hšuka d Sauth saina umdahlia `kilth mia
 siauia uzihmita `lh `siq lhaza arqa nahirta umn malka `bid qraba `sab taga
 u`siq brišia u`huia malka d rauma u`umqa uamar `u lbuša hu `libšia `u mikla hu `klh
 `u mištia hu `štiia `u baita hu `pish `u biniana hu `hamblia `u daura hu `darbia
 `u mindam hu d minai dilia gabir minh rmh tигра `qad bnurh uhambib bruianh
 u`štahan brugzia uba d niklinun lkulhun almia u`lai `uhrath šgišan ušbilh
 mapakria udirkia `qilh hinila lmirpas zapa d aina maTia l`il sapa ualma ltaumia
 titaiia d hšuka `lh bwardita d iuma bma d šnia d azal umaTia ukd hzia lhah` dmuta
 zgagta ba d nitarim unisaq mn habara gahia Sidia luat hah` dmuta nahirth ulaška
 baba d niul bgauh ula`uhra d azalbh ulamasqana d nisqubh aminTul d hak dmuta
d hza brauma hu b`umqa akuat bnia anaša uhiuaniata ubiriata d lamSan d nisqun
 lrauma d šumia u`štahan u`štagar akuat aria šihana d `l gizria ulašalia ulanahia
 bdaura d napšia uqra Snap uiabib bqalh ualmia d nhura d šimun qalh uhiziua
 ldmuth d daiua tahmia uknap gunda napla haq uhaš bihdadia akuat pagra d mn hda
 handama zha uzaimia akuat mania d nhaša haizak npaq qalh mn qudam malka rama
d nhura uamarlun lalmia d nhura ulškinata d `utria nha u`tab bškinatkun
 latihiquon mn rugza d daiua tahmia biša d rgaz brugzia bkana d napšia nistar
 nistar bkana d napšia ukulhin mhašabath baTlan baTlan mhašabath u`bidath
 lamitqaiman hiia liadan uhiia lsabran umšabin hiia uhiia zakin
 sa
 bšumaihun d hiia rbia . haza h` aprašta ugalalta d `tgallaiun lgubria prišaiia
d apraš mn tibil umn `bidatun mašiTania hzun d `marlkun lalmia d nhura ulma d bgauaihun
 uaprištinkun lalmia d hšuka ulqiriatun amarlkun lmalka rama d nhura d hailh npiš
 ugabir usika litlh larqa briкта ul`utria umalakia d bgauh d hinun bmulh `laia
 lbar mn tibil bgirba dukta d atian d atin minh mia hiia d bgauaihun rauzia kulhun
 almia uata ziua lšamiš utuqna lsira uSahamta lkukbia uSauta lnura uatia minh aiar
 stana uriha basima malka d kulhun ziqia ubgauh haiin ubasmin kulhun almia `u had
 iuma aiar ziqia lanašim maita udaika kulhin nišmata d `it btibil `u amritun
d aiar stana atia bgauh barda urugza `iaprišinkun d lau mn arqa d nhura qatia
 hinila arqa `laita d tibil agzarbh Turia napšia uatia talga ubarda unapil
 `lauaihun usitua ugaiTa lapašar uatia minh `stana unašim `lh uatia hak barda
 abihdia ziqia akuat `niš d qaiam atutia šlanda sarita uatia hak riha abihdia ziqia
 ukukbia umaluašia bbab girbia lahadrh ulamasgin aminTul d laiit hatam mindam
d hašuk d baiia lanhuria akuat malka d arqa d mšadir hails latrh d rahi q minh
 aminTul d halin manhirania balma hazin d mpaqdia lnhuria lau ziua dilun hu ualmia
 kulhun lgirbia `laia qarilh ltimia šapila qarilh aminTul d almia d hšuka bšapala
 hinun btimia uiama rba d rbita `hadirh btibil kulh lbar mn baba d girbia
d laith liška d pasiqlia lmiia hiia mn atra d nhura ukulhun almia sahdin d mia
 hiia mn atutia kursia d alaha d qatia ulaqaimia lmahu d mamlil pumaihun halin ziqia
 hurinia uhamimia d hadria binia šuria unapqia binia babia našmia lrbita aminTul
d rbita hamima umia hamimia uTuria titaiia napiq tihuia d rbita umpaširlh
 ltalgun aminTul d lhda mgarba rbita lalmia d hšuka ulmia siauia aminTul lhad
 `kura d `kumia d hinun mia siauia umia hiia qalia hinun d `utbun špita kulhun
 iamamia d napilbun u`niš minaihun lašatia hakuat hak d amar mia siauia hinun
d rahitia ubašlia umitapkia d šatia minaihun maiit ukul d darikbun mitiqlia lika d marha
 brihaiun `lh d minaihun hua uhalin mšaria mpalgia btibil ukulman d bmšara
 `laita hu Shara uman d bšpala aitinun `kumia hinun usniia dmutaihun akuat daiuia
 ukulman d `uSria parišlh iada d almia d nhura haka aitinun ulau brqiha hinun kd
 baTla šumh uarqa haka hauia dauraiun aminTul d atra d malka d nhura lahua kd d lahua
 ulahauia kd d lahauia ubuTlana litlh hšuka kbar lbnat anašia bkulhun dirkia
 ušbilia šgšinun akuat d amar `uhra lalma šgaštia urmin daiaria umiTarin binia
 mai lmai kma d dara baSra bišuta kabra hzun u`tapriš bhirai usaq bzaku latr
 nhur uhiia zakin sa

